



Universitätsbibliothek Paderborn

Theologia Moralis

Antehac ex probatis Auctoribus breviter concinnata

Busenbaum, Hermann

Coloniæ Agrippinæ, 1707

Q. 161. Qualia Beneficia & à quibus permutari possint.

urn:nbn:de:hbz:466:1-42600

strop. Leur. q. 816., quia hic datur nova collatio, ergo cum beneficium non vacans conferri non possit, praecedit vacatio: quod *Conf.*, nam collatio sequi potest post permutationem, sit enim aliquando, ut si duo permutent, Papa uni Romæ presenti conferat beneficium & committat Ordinario in partibus, ut etiam diu post conferat alteri: Similiter potest Titius coram Episcopo suo permutationis causâ dimittere beneficium unum, & prius post aliquot menses recipere beneficium, quod Causus in alia diocepsi coram suo Episcopo in ejus favorem dimittet, *Rebuff. Senis, Az. Leur. q. 864.*

1083

§. III. Si verum est, quod permutatione vacant beneficia, videtur consequenter dicendum, quod turnus consumatur per collationem factam ex vi permutationis, uti per factam ex quacunque alia vacatione, nisi aliud habeat statutum, pactum vel consuetudo, *Gonz. Chok. Leur. q. 876.*

1084

Q. 161. Qualia beneficia, & a quibus permutteri possint. R.

§. I. Permutari non potest beneficium cum non beneficio; unde permutari non potest cum jure-patronatus, decimis, capella, hospitali, praestimonia; intellige, si haec non sint erecta in titulum: Nec cum Commenda beneficii, quia deserviens non habet titulum; nec cum titulo patrimonii, quia non est quid perpetuum, AA. communiter cum *Leur. p. 3. q. 821.* Nec verum beneficium permutari potest cum ficto, quod vocatur, *de pericula*, uti nec cum beneficio simoniace obtento. Vide *Leur. q. 822. 823.* Putarunt tamen viri docti, quos interrogavi, Titulum ordinatum super quibusdam Missis legendis, juncto his patrimonio, posse hunc suæ ordinationis titulum etiam apud Ordinarium permutare cum beneficio Caji, si titulus ille Titii auctoritate Ordinarii

narii fiat perpetuum etiam in Cajo, ita ut hic pri-
vari nequeat, quoad vivet: & ita in Coloniensi Ar-
chi-dioecesi jam ab 80. annis practicatum esse testa-
tur vir omni exceptione major.

§. II. *Az. Paris. Leff. Garc. Zerol. Corr. Tond.* 1085

Leur. q. 820. putant contra *Castrop.*, ad permutationem prærequiri jus in re in beneficiis, ideoque jus ad beneficium non posse coram Ordinario permutari cum beneficio vel cum simili jure ad beneficium: Similiter *Abb. Paris Garc. Az. Castrop. Leur* q. 752. n. 3. docent contra *Suar. Leff. Gamb.* Ordinarium non habere potestatem admittendi permutationes jurium acquisitorum per electionem, præsentatio- nem exspectativam &c. Et hæc sunt conformia dictis n. 980.; imò *Chok.* putat non valere permutationem factam per procuratorem eo tempore con- stitutum, quo principalis non habebat jus in re, li- cèt tunc habeat, quando procurator permutat, sed vide dicta n. 1033.

§. III. Permutari possunt Beneficia necdum pos- 1086
sessa; item possessa cum non possessis, *Coras Mant.*
Garc. *Chok.* *Tond.* Etiam solo verbo collata à Papà, *Masc.* *Rebuff.* *Chok.* Etiam electiva *Gemin.* *Chok.*.
Etiam exempta, sed tantùm coram illo, qui potest horum resignaciones admittere, *Chok.* *Pirh.* Etiam consueta optari, *Az. Chok.* Etiam dignitas cum sim- plici beneficio, *Mant.* *Chok.* *Leur.* q. 827. n. 1. Etiam una prælatura cum alia, uti Præpositura cum Archidiaconatu, *Chok.* Etiam Curata cum non Cu- ratis, *Az. Chok.* *Ventrig.* Etiam plura cum uno, *Rebuff.* *Nav.* *Az. Garc.* *Castrop.* *Chok.* Vide *Leur.* q. 824. Requiritur tamen, ut si Ordinarius permu- tationem admittat, hic possit talia duo simul conce- dere, *Leur.* q. 854. n. 4. Etiam permutari possunt pinguisa cum tenuibus, dummodo fraus absit, & or- dinatus

dinatus super pingui possit se decenter alere provenientibus tenuioris aut aliunde, *Az. Ventrig. Leur. q. 827. n. 1.* Etiam existentia in diversis diocesibus, uti dicetur n. 1095. Etiam illud, quo quis esset per sententiam privandus, non tamen si sit privatus, secundum dicta n. 985. & *Leur. q. 830. 831.* contra alios. Etiam, secundum *Mol. Tiraq. Garc. apud Leur. q. 832.*, prohibitus acquirere novum beneficium potest suum cum alio permutare. Item fieri posse permutationem, quamvis super utroque vel eorum uno sit alicui tertio concessa expectativa, docet ex *Cap. Licet, de rer. permut. in 6. Pirb. l. 3. t. 19. n. 35.*, sed *Paris. & Leur. q. 825. n. 1.* contradicunt, hinc declaravit *Rota*, quam sequuntur *Put. Paris. Leur. q. 296.* posse expectantem subintrare in tale beneficium.

1087 §. IV. Beneficium Papæ reservatum & permutationis causâ resignatum, amissum est à resignante, qui ad illud redire non potest, *Tusch. Mant. Tond. Chok.* Nec permutatio illa expediri potest coram Ordinario aut Legato à latere, quia illud conferre non possunt, *Paris. Tond. Lott. Leur. q. 295. 825. 854.* Nec beneficia unita permutari possunt, uti nec resignari, secundum dicta n. 979. Item fieri non potest permutatio beneficiorum, si super eorum uno quis ordinatus sit, nisi observatis illis, quæ n. 983. dicta sunt. Nec permutari possunt, si unum sit litigiosum, *Paris. Az. Barb. Castrop. t. 13. d. 6. p. 3. §. 2. n. 6.* Vide tamen dicta n. 982. & *Leur. q. 825.* Nec illud potest resignari in favorem aut permutari, quod quis habuit, si in obtentione alterius addita sit clausula de dimittendo illo præhabito, alioquin utrumque vacabit in manibus Papæ, *Garc. Chok. Leur. q. 828.* Similiter dispensatus ad beneficium, quod habet, non potest aliud acquirere per permutationem

rationem, quia dispensatio, uto pote odiosa, extendi non debet ad aliud beneficium. Vide *Leur.* q. 835. Et idem est, si permutebit bigamus aut alius similis dispensatus ad hoc tantum beneficium, quod habet, *Leur.* q. 840. Hinc etiam habens ex dispensatione duo alioqui incompossibilia, non potest haec permutare cum altero, nisi & hic similem dispensationem obtineat, quia dispensatio non transit ad aliam personam, *Az. Castrop. Pirh.* n. 28.

§. V. Quod attinet ad illos, qui permutare possunt, 1088 1. si acceperisti beneficium anirro dimittendi, potes permutare, uti posses resignare, quidquid contradicat *Chok.* apud *Leur.* q. 833. 2. Si senex vel infirmus permutebit, est praesumptio fraudis, si autem fiat ex fraude, permutatio nulla est ex parte fraudulenti, *Paris. Leur.* q. 835. 3. Si illegitimus obtinuit beneficium in Ecclesia, in qua habet aut habuit ejus pater, potest in modo debet resignare aut permutare in triges menses, *Trid. Ses.* 25. c. 15. de Ref.. Vide *Leur.* q. 838. 4. Si permutebit excommunicatus, suspensus, irregularis, criminosus, infamis, illiteratus, non habens etatem requisitam &c., permutatio est irrita respectu habentis talem defectum, valet tamen respectu alterius, qui novæ collationis capax est, *Leur.* q. 839. & seqq. Nec obstat, quod habens talem defectum, licet habilis sit ad retinendum illud, quod habet, tamen sit inhabilis ad acquirendum novum beneficium, adeoque non videatur debere amittere suum, nam quod sit inhabilis, non est culpa alterius, ergo hic non ideo impeditur, quominus acquirat beneficium ab ipso dimissum, *Castrop. Leur.* q. 310. n. 13.

Q. 152. An permutatio fieri possit per procuratorem. R. Affirmative etiam si procurator sit laicus: potestque unus idemque esse procurator utriusque